



Publicaziuns dalla vischnaunca, jamna 11

Annunzias da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandont project:

Nr. 2017 – 2017.000

Bruno ed Yvonne Flepp-Venzin, Via Latis 12, 7180 Disentis/ Mustér; colurar las fatschadas dalla casa el medem tun sco existent, casa sin parcella 2253, Via Latis 12, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastonza communal. Disentis/Mustér, ils 14 da mars 2017

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 24 da mars 2017**, allas 20.15 en casa communal.

Tractandas:

1. Protocol 2-2017/2020
2. Project per la sanaziun e completaziun dil Center da sport e cultura: Credit da projectaziun (messadi nr. 2-2017/2020)
3. Revisiun parziala dil regulativ pil personal communal (messadi nr. 3-2017/2020)
4. Zona da mistregn Pignola/Marias: Acquist da terren per promover l'economia (messadi nr. 4 2017/2020)
5. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Deponia da verd e caglias a Raveras

Dapi igl atun vargau ei vegniu constatau sin la deponia da rufids orgnics (fein, pastg restonzas d'iert ...) e caglias a Raveras ch'ei vegn deponiu cuntinuadamein tschendra ed auters rufids buca lubi sin la deponia.

La tschendra cuntegn meinsvart burnida ed effectuescha aschia adina puspei incendis sin la deponia. Nus supplichein la populaziun da setener vid igl uorden indicau e da desister da deponer materials buca lubi ni materials che san caschunar incendis ni auters donns.

Suprastonza communal

Controlla da habitonts

Mortori

Ernst Huonder-Jacomet, naschius ils 23 da november 1930, morts ils 12 da mars 2017

Nossa scola populara Mustér

Dis dallas portas aviartas 2016/17

Geniturs ed autras persunas interessadas han la pussevkladad da visitar lur affons duront l'instrucziun, e quei sco suonda



mesjamna, ils 22 da mars 2017 (7.45–11.10; 12.00)
gievga, ils 23 da mars 2017 (7.45–16.10)
venderdis, ils 24 da mars 2017 (7.45–16.10)

Per evitar malruaus giavischein nus da visitar l'entira lecziun. Ils affons e las personas d'instrucziun selegran da Vossa viseta. Ils uraris da tuttas classas anfleis Vus sin nossa pagina d'internet: www.scoladisentis.ch Sin bien seveser e cordials salids!

Nossa scola populara Mustér

Entrada anticipada en scoletta

Mintgamai igl uost entran ils affons che han cumplenu il tshunavel onn da vegliadetgna tochen ils 31 da december dil medem onn calendar ella scoletta. Tenor la lescha da scola dat ei la pusseivladad d'entrar en scoletta anticipau, quei munta in onn avon.

In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto corrispunder en siu entir stadi da svilup alla gruppa d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffernadi en scoletta.

Dapli informaziuns survegnan geniturs interessai tiel meinascola Roger Tuor (081 936 44 25, meinascola@scoladisentis.ch). Annunzias san vegnir inoltradas tochen ils 17 da mars 2017. Annunzias suentar quei termin san buca pli vegnir risguardadas.

Cordials salids

Nossa scola populara Mustér

Acziun da spender saung

L'acziun da spender saung per donaturas e donaturs dallas vischnauncas da Medel e Mustér ha liug **gliendisdis, ils 20 da mars 2017** dallas 18.00–20.00 en halla Cons. Nus engraziein grondamein per quei bien survetsch en favur da malsauns e disgraziai e sperein sin ina stedia participaziun. Cordial beinvegni

Uniun samaritana Mustér

Club da tennis Mustér

Invit alla radunonza generala, sonda, ils 18 da mars 2017 allas 18.00 en l'ustria Fravia, Disla.

Gliesta da tractandas:

1. Beinvegni
2. Elecziun dumbravuschs
3. Protocol dalla radunonza generala dils 12 da mars 2016
4. Rapports
 - President
 - Interclub
 - Meinaturnier
 - Juniors
5. Quen 2016 e rapport dils revisurs
6. Contribuziuns annualas
7. Budget 2017
8. Elecziuns
 - President
 - Responsabel Interclub
 - Cau da material
 - Meinaturnier
 - 1 Revisur(a) da quen
9. Program da stad
10. Varia

Cordialmein envida *la suprastonza*



Uniun da dunnas Disentis/Mustér

Gruppa da seruschnar/termagliar

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local, nua ch'ils affons stattan persuls duas uras cun las menadras, e quei inaga ad jamna.

Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **Mardis, ils 28 da mars 2017**

Temps: 14.30–16.00

Liug: Casa da scola Segnas, local Artgin, ella 1. alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch.

Cordialmein envida

Uniun da dunnas, ressort affons

Corporaziun d'alp Cristallina Muster

Radunonza generala dils dretgs dalla corporaziun d'alp Cristallina Muster, venderdis, ils 31 da mars 2017 allas 20.15 ell'ustria «Cresta» a Segnas.

Tractandas ordinarias.

A stedia participaziun

La suprastonza

KnS – Information

Signalunterbruch infolge Bauarbeiten in Disentis/Mustér

Infolge Bauarbeiten im Quartier Raveras, Via dalla Staziun, Via Cavardiras, Via Alpsu, Via Lucmagn, Via Claustra, Via Sursilvana, Gassa Gronda müssen mehrere Zuleitungskabel vom KnS (Kommunikationsnetz) umgelegt werden. Am **Dienstag, 28. März 2017**, von 8–12 Uhr ist somit in oben erwähntem Quartier und Strassen während der aufgeführten Zeit mit kurzen Unterbrüchen bei Radio, TV, Telefonie und Internet zu rechnen.

Die Dienstleistungen der KnS stehen Ihnen nach der Umlegung der Kabel wie gewohnt zur Verfügung. Wir entschuldigen uns für die Unannehmlichkeiten und danken für Ihr Verständnis.

Ihr KnS-Team

Kurs: Obstbäume schneiden

Samstag, 25. März 2017, 9.30–ca.16 Uhr, Center sursilvan d'agricultura, Disentis. Kurs für den Obstbaumschnitt an Hochstammbäumen – zum Wiederholen, Auffrischen und Üben. Kursniveau gemäss Wissensstand der Kursteilnehmer. Es sind Fortgeschrittene und Anfänger willkommen. Weitere Informationen und Anmeldung bis am 22. März: info@agricultura.ch, 081 936 48 00